

Pripadnici SIPA pretresli nekoliko objekata u Sarajevu

KENAN KRŠO UHAPSEN ZBOG T

Policija kod osumnjičenog, koji je već boravio u Siriji, pronašla i oduzela oružje

Pripadnici Agencije za istrage i zaštitu BiH (SIPA) uhapsili su po nalogu Tužilaštva BiH Kenana Kršu (1976) iz Sarajeva, osumnjičenog za krivično djelo terorizam. U akciji je pretreseno i nekoliko objekata, prostorija i vozila koje koristi osumnjičeni, koji je pod istragom zbog više aktivnosti koje se mogu dovesti u vezu sa terorizmom.

Kod njega je, kako saznajemo, pronađeno i privremeno oduzeto vatreno oružje bez odgovarajuće dokumentacije, ali i drugi predmeti koji će biti vještačeni. Kako je saopćeno iz Tužilaštva i SIPA, osumnjičeni je u proteklom periodu koristeći znakove i obilježja ISIL-a, koji je Vijeće sigurnosti proglasilo terorističkom organizacijom, u više navrata vršio incidente i ugrožavanje sigurnosti na području Sarajeva.

Saslušanje

- Tužilaštvo BiH i policijske i sigurnosne agencije došle su do saznanja da je ovaj osumnjičeni kraći period boravio na području Sirije, te da ostvaruje kontakte sa osobama, pripadnicima tzv. vehabijskog pokreta iz BiH, koje se kao pripadnici



Detalj sa privođenja u prostorije Agencije

ISIL-a i paravojnih formacija bore na ratištima u Siriji i Iraku, a što je državljanima BiH zakonom zabranjeno, saopćeno je iz državnog Tužilaštva.

Kršo je nakon hapšenja priveden na saslušanje, a potom pušten, potvrđeno je za Srnu. Prije dva mjeseca, za vrijeme džuma-namaza u džamiji na Staroj Breki, Kršo je izazvao incident kada se pojavio u majici s obilježjima ISIL-a, nakon čega su ga tada sankcionirali pripadnici Ministarstva za unutrašnje poslove

Kantona Sarajevo. On se predao policiji i prihvatio da snosi sve posljedice ovog čina, negirajući da je osim njega iko učestvovao u incidentu, a protiv njega je podnesena prekršajna prijava u skladu sa Zakonom o narušavanju javnog reda i mira. Navodno je poznat policiji od ranije.

Dopune Krivičnog zakona BiH predviđaju sankcije za sve koji se protivzakonito pridružuju stranim paravojnim ili parapolicijskim formacijama. Za one koji budu učestvovali u stranim voj-

ERORIZMA

bez potrebnih dozvola

nim, paravojnim ili parapolicijskim organizacijama propisana je kazna do deset godina. Pet godina zatvora mogu dobiti osobe za koje se utvrdi da organiziraju odlazak građana BiH na ratišta u inozemstvu. Predviđena je i kazna za one koji putem medija promoviraju odlazak na strana ratišta i za to se krivično djelo može dobiti do četiri godine zatvora. Dopune zakona predviđaju zatvorske kazne, a najveća je do deset godina, za one koji planiraju ili vrbuju građane za odlazak na strana ratišta. Otkako je donesen pomenuti zakon, iz BiH je u Siriju otišlo nekoliko mladića.

Optuženi za terorizam

U Sudu BiH trenutno se sudi Huseinu Bilalu Bosniću, optuženom za javno podstrekivanje na terorističke aktivnosti, vrbovanje radi tih aktivnosti i organizovanje terorističke grupe. Optužnica je podignuta i protiv Huseina Erdića, Midhata Trake, Nevada Hušidića i Merima Keserovića, kojima se na teret stavlja da su počinili krivično djelo protuzakonitog formiranja i pridruživanja stranim paravojnim i parapolicijskim formacijama. **A. B. Č.**